

東洋史要卷四

日本文學士桑原隲藏原著

山陰樊炳清譯

近世期

第一篇 清之初葉

第一章 滿州之興

自蒙古滅金，通古斯族之勢力久滅，然其在長白山附近者，尚有覺羅

部，世居鄂多理。

盛古塔之西南

至日本曆二千百年之頃，約

明英宗正統五年

始徙赫

圖阿拉。

今之興京

部落漸蕃，日本曆二千二百四十三年，

明神宗萬曆十一年

努爾哈

赤爲其部長，更得興盛。

當時通古斯族略分四部，滿州部佔今盛京之東北，覺羅部實屬之，其

東朝鮮之界，有長白山部，長白山部之北，盛古塔之東，莅日本海有東

海部東海部之西北沿黑龍江有黑龍江部滿州部之北自今吉林府至奉天府之間有扈倫部散居扈倫部之西黑龍部之南卽蒙古之科爾沁部

弩爾哈赤自覺羅部興統一滿州扈倫長白山及科爾沁諸部恐其侵略以日本曆二千二百五十一年明神宗萬曆十九年相連合來攻大敗前後降

於弩爾哈赤於是日本曆二千二百七十四年明神宗萬曆二十二年弩爾哈赤遂建國號曰滿州稱皇帝是卽滿州太祖也

扈倫部中有葉赫部負強獨不降日本曆二千二百七十九年明神宗萬曆四十七年太祖自將擊之葉赫部乞援於明明恐滿州強大因命楊鎬將大

軍三十萬援葉赫部是時宣祖子光海君王朝鮮以曩得明援德明發兵二萬來會太祖逆擊之大破連合軍於渾河畔乘勢滅葉赫部更進

瀋陽取遼陽。遂都瀋陽。卽今奉天府也。先是東海都已內降。至是滿州疆土西至遼河。南接朝鮮。東莅日本海。北及黑龍江。明廷大懼。新使孫承宗經略遼陽。承宗有將才。而爲魏忠賢所忌。不能安於職。以是明邊境日蹙。日本曆二千二百八十七年。明熹宗天啟七年太祖子太宗嗣位。是年

明莊烈帝承熹宗後登帝位。先黜魏忠賢。以袁崇煥有將才。舉令防滿州。太宗乃姑避其鋒。轉兵伐朝鮮。朝鮮王光海君曩應明師。屢牽制滿州。故太宗遣阿敏侵朝鮮。陷平壤。逼京城。時光海君從子仁祖爲朝鮮王。防戰不利。遁至江華島。以明援軍不至。遂請和於滿州。時日本曆二千二百八十七年。明熹宗天啟七年也。後數年。乘滿州方經略漠南蒙古。乃復

與明通。欲寇遼東。太宗自蒙古還。親征之。復陷國都京城。於是朝鮮仁祖遂絕明而降滿州。受封。時日本曆二千二百九十六年。明思宗崇禎九年

太宗與朝鮮和既絕東顧憂專力逼明明將袁崇煥雖善防戰然未幾
罹反間被罷滿州兵逼山海關明廷因賂漠南蒙古之插漢兒部使防
滿州太宗乃移兵經略漠南

第二章 漠南蒙古與清之關係及明之亡

究弼哩克及俺答等之振勢漠南也韃靼可汗次第衰微僅能號令插

漢兒部而已及日本曆一千二百十八年

明世宗嘉靖三十七年

上赤汗孫薩克

圖爲可汗崇奉喇嘛教傳播至插漢兒部又拓地東方征服扈倫部可

汗威勢寢復日本曆一千二百六十四年

明神宗萬曆三十二年

其曾孫林丹汗

立屢寇明明厚歲幣以和且使防滿州林丹乃侵遼東又怒科爾沁部

與滿州通擊之欲負強挽回可汗之實權頻凌鄂爾多斯土默特諸部

科爾沁及漠南蒙古諸部連合以防林丹且乞援於滿州太宗以日本

曆二千二百九十四年。

明思宗崇禎七年

自將大軍伐林丹林丹敗死其子孔

果爾汗降獻傳國璽滿州既平漠南蒙古更國號清自漠南蒙古服於
清明北邊一帶無年不受攻伐明廷發大軍以吳三桂爲將使嚴禦北
邊。

明自世宗以來常苦外患北有吐魯番侵略南有日本緬甸攻掠及朝

鮮之役起國用不支於是日本曆二千二百五十六年。

明神宗萬曆二十四年

宗遣宦者之四方鑛山以充府庫奸吏乘之奪民財尋又增課鹽茶

船舶之稅天下頗厭苦思亂日本曆二千二百八十八年。

明思宗崇禎元年

李

自成張獻忠等乘年穀不稔自陝西叛四方流賊響應遂至不可

制

初明太祖以要地分封諸子使備王室屏藩成祖篡位後恐有效已者
乃痛殺諸王兵力且當時陝西山西河北之兵概遠戍北邊一無防禦

故流賊勢益張。張獻忠略四川。李自成定陝西河南。取山西。遂陷北京。
莊烈帝自殺。李自成稱皇帝。時日本曆二千三百四年。順治元年也。明傳位
二百七十七年而亡。

是時清太宗子世祖嗣位。與明將吳三桂相拒。及北京圍急。三桂棄邊
還救。途聞北京陷。乃乞清援兵。以破李自成。自成奔陝西。清軍助三桂
追之。愈進。略山西河北地。世祖既定支那北部。乃遷都北京。又使阿濟
格與明降將吳三桂平李自成於陝西。使多鐸爲將。經略河南山東。

莊烈帝之死也。明之遺臣擁立神宗孫福王於南京。史可法督兵以防
清之南下。福王庸闇。將士不服。多鐸乘之。破史可法。渡江陷南京。福王
降。時明之王族存者尙多。魯王據浙江。永寧王據江西。唐王又卽位於
福建。然不相一致。清軍先殺永寧王。次破魯王。虜唐王。明遺臣更擁立

神宗孫桂王於廣西請援於安南安南方苦內訌不能出軍及清軍侵廣西桂王入雲南

曩吳三桂從清軍破李自成於陝西尋殺張獻忠於四川至是復定貴州進雲南桂王奔緬甸時莽瑞體曾孫本克他利王緬甸奉桂王於積磴之地而與木邦騰越等雲南諸蠻部併力阻清軍清軍下伊羅瓦底河逼國都阿瓦以葡萄牙人寓緬甸者善防戰乃引還國人恐清軍再侵不悅王之納明遺族王弟巴哇喇達姆摩遂弑王篡位捕桂王送清

時日本曆二千三百廿二年

康熙元年也

曩魯王之敗於浙江也走廈門依鄭成功成功乃海賊鄭芝龍子其母日本長崎人也後與其父共降於明一意以恢復明室爲志恃廈門爲根據地頻攻沿海及魯王來投軍氣大振乘清軍有事雲南復浙江下

南京更期北侵，尋失利，奉魯王退臺灣。明末年，日本人之剽掠支那沿

岸者，佔臺灣為根據地，及荷蘭人商於支那近海，以日本曆二千二百

八十四年，明熹宗天啟四年，逐日本人而奪之，設學校，建教堂，盡力輸入文化

其後日本曆二千三百廿一年，大清順治十八年，鄭成功等奉魯王來臺灣，悉

逐荷蘭人，又遣使日本乞援，是時日本德川氏方主鎖國之策，不與外

國交涉，遂不成。翌年魯王及成功前後歿，成功子鄭經據臺灣，不服於

清。

清世祖時，明室雖亡，然其遺臣尚出沒江南，聖祖即位，乃封明降將吳

三桂於雲南，尚可喜於廣東，耿繼茂於福建，使各鎮其封地，握兵馬財

政之權，殆似獨立國。然就中吳三桂之功最高，兵亦強，及魯王死，桂王

為虜，天下已一統。聖祖漸憂三藩強大，竊為之備，三藩亦自不安，日本

曆一千三百二十三年，康熙十二年吳三桂先叛，侵四川、貴州，耿繼茂子精忠尚可喜子之信等，尋各舉兵反。

清之一統支那也，下辯髮之令，使從其國俗，漢族皆不悅，於是所在兵起，響應三藩，江南全沒於賊，三桂自四川陷漢中、隴西，又招鄭經，使攻略沿海。

聖祖命圖海向關中，岳樂傑書等平江南，時耿精忠與鄭經不協，互鼓聞傑書大軍至，恐遽投誠，尚之信亦望風降，且其時圖海已復隴西，岳樂亦定海西，吳三桂勢日蹙，未幾死，孫吳世璠嗣，雖固守雲南、貴州、四川、湖南之地，而次第衰微，至日本曆一千三百四十一年，康熙二十年事全

平定。

雲南之亂既定，聖祖欲取臺灣，除後患，以日本曆一千三百四十一年。

康熙二十二年遣施琅征之、時鄭經已死、子克塽嗣、克塽幼弱、將士不服、及施

琅來攻、遂出降、

第三章 歐人遠航與耶穌教東漸

自蒙古統一亞細亞、東西兩洋之交涉日繁、黑海沿岸之哥里米一作克力

米、孔士坦丁堡等、為重要貿易場、及日本曆二千年之頃、元順帝時土耳其

帝國興、握黑海航海權、於是赴東洋者、勢必別尋新航路、且當蒙古時、

遠遊東方之旅客、頻言支那印度之富庶、及日本之多金銀珠玉、歐洲

人士聞之、注意東方者漸多、及剋興羅針盤、歐人勇敢冒險之意氣、風

靡一世、乃陸續航遊東洋、就中葡萄牙、西班牙、荷蘭、英、吉、利四國、以臨

海故、長駕馭術故、較諸國獨着先鞭、

一、葡萄牙 日本曆二千百五十年之頃、約明孝宗弘治三年吉融二世為葡

葡萄牙王、航遠洋者、輒獎勵之、日本曆二千百五十八年、明孝宗弘治十一年、葡萄牙

牙人滑士科達、輒摩遂遠喜望峰、以達印度之馬拉巴爾、自是其國人

遠航東洋者頗多、日本曆二千百七十年、明武宗正德五年、略印度西海岸之

卧亞、以爲根據地、寢於錫崙、及印度東海岸、建商館、尋奪滿刺加瓜哇、

自明成祖經略南洋以來、支那人多商南洋者、故佔據滿刺加瓜哇之

葡萄牙人、又東進開航路、日本曆二千百七十四年、明武宗正德九年、始入支

那海、其後三年、至廣東、尋於寧波、廈門建商館、日本曆二千二百廿三

年、明世宗嘉靖四十三年、更佔阿瑪港、廣東之澳門、爲根據地、同時、又至日本之肥前

平戶設商館、從事於貿易、自日本曆二千百六十年至二千三百年、約

明孝宗弘治十三年、凡百四十年間、葡萄牙人殆獨擅東洋貿易之全

權焉、至明宗崇禎十四年

二西班牙 方葡萄牙人取道亞非利加之南端以遠航東洋其間西

班牙亦有航行西方以冀達東洋日本曆二千八百八十二年明世宗嘉靖元年

西班牙人馬瑞即經亞美利加之南端始出太平洋尋西班牙王非利

布二世併葡萄牙益獎勵東洋貿易日本曆二千二百二十五年明世宗嘉

靖四十年 估比律賓羣島建馬尼刺為根據地日本曆二千二百四十年

明神宗萬曆八年遣使明廷求許通商為舊在之葡商所阻不得要領惟在日

本平戶得開商館營貿易且與支那人貿易亦盛行於馬尼刺云

三荷蘭 荷蘭舊為西班牙屬國以宗教之紛爭至日本曆二千二百

四十年明神宗萬曆八年遂獨立日本曆二千二百五十六年明神宗萬曆二十四年始

來東洋奪錫崙滿刺加蘇馬答刺等西班牙所轄殖民地驅逐葡萄牙

商民日本曆二千二百七十九年明神宗萬曆十七年建巴達維阿於瓜哇為

根據地、日本曆二千二百八十四年、

明熹宗天啟四年

佔臺灣、於日本及支那、

盛營貿易、日本曆二千三百十三年、

順治十年

巴達維阿之太守、遣使北京、

求許通商、亦爲葡、萄、牙人所妨、不得要領、後爲鄭成功略取臺灣、荷蘭

兵艦屢助清軍、破鄭氏、故得清廷特許通商廣東、時日本曆自二千二

百九十九年、

明思宗崇禎十二年

以來、禁歐洲通商、獨以荷蘭不傳耶穌教、故許

於長崎貿易、是以日本曆二千二百年代末期、荷蘭人乃代葡萄牙人

於東洋貿易、獨握大權、

四英吉利、

英吉利人以日本曆二千二百三十九年、

明神宗萬曆七年

始航

印度、於印度暹羅瓜哇等開商館、日本曆二千二百七十三年、

明神宗萬曆四

十一年、至日本平戶營貿易、尋以日本曆二千二百九十五年、

明思宗崇禎八年

赴支那通商於廣東廈門、然其在日本貿易、爲荷蘭人所妨、在支那貿

易爲葡萄牙人所妨，不能大振，獨在印度，勢力漸增，至凌壓荷蘭葡萄牙之商人云。

東西交涉既開，歐人遊東洋者日衆，以是耶穌教之福音，更傳入東方焉。耶穌教自元亡時，已暫廢絕，至是欲再興者，頗不乏人，當時歐洲新舊兩教之爭方劇，故舊教徒欲勢力失之西歐，而收之東亞，就中堅耐不拔者，推奇哀休德派之教徒，陸續東遊，不稍輟。

舊教徒以日本曆二千百六十年，明孝宗弘治十三年來印度，日本曆二千百九

十九年，明世宗嘉靖十八年以卧亞爲根據地，殫力傳教，其間有名者稱奇哀休

德派之方濟各方，以日本曆二千二百二年，明世宗嘉靖二十一年來卧亞，其後

六年，至日本之平戶，僑寓四年，更布教於京都周防豐後，日本曆二千

二百十一年，明世宗嘉靖三十年復歸卧亞，翌年遊支那，中道死，後日本曆二千

二百四十一年

明神宗萬曆九年

奇哀休德派之米開魯老躋始來廣東布教

其翌年利瑪竇亦赴支那從事布教者二十年日本曆二千二百六十

一年

明神宗萬曆廿九年

與同志龐迪我共入北京得明神宗允許建會堂故奇

哀休德派之教徒陸續之北支那利瑪竇死後龍華民湯若望等紹其遺業時或有嚴禁布教之命而是等耶穌教徒皆精於曆法砲術以故得明廷信任其禁未幾而罷寢至皇后皇族王侯等亦歸依之及清世祖入北京復厚用耶穌教徒舉湯若望爲欽天監繼湯後者有南懷仁亦爲聖祖寵用是故支那之天文曆法砲術測量術得以面目一新

奇哀休德教徒既於北支那博清廷信任其餘舊教徒之在南支那者

嫉之力詆其布教之法爭論漸甚遂訴之羅馬教皇日本曆二千三百

六十四年

康熙四十三年

克力們脫十一世譴責奇哀休德教徒聖祖反保護

之日本曆二千三百七十八年康熙五十七年命其耶穌教徒退去至日本曆

二千三百八十四年雍正二年更下詔嚴禁天主教原註即耶穌教故耶穌教之傳

播於此遭一頓挫焉

第四章 俄羅斯東侵及清與俄羅斯之關係

方葡萄牙荷蘭以下諸海國由南方航行東洋也其間俄羅斯即阿起羅思

於北方次第逼東方亞細亞自宜萬一世時莫斯科太公得欽察汗信

任國勢漸張日本曆二千百二十二年明英宗復辟天順六年宜萬三世立俄羅

斯諸侯半為所吞併遂背欽察汗而獨立

初可里的克得帖木兒援代脫克達米昔而為欽察汗及帖木兒退軍

脫克達米昔之黨復叛自黨之汗與哥里米之汗相爭不已哥里米汗

惠喀慎哈美德佔欽察汗之位日本曆二千九十七年明英宗正統二年為白

黨汗庫的庫謨哈美所破。遁於俄爾加河上流之不里阿兒地。是爲喀山汗之祖。庫的庫謨哈美德。以日本曆二千百二十年。明英宗天順四年死。子

阿美德嗣。是時欽察汗國始分崩。汗之號令。僅行於國都薩來附近而已。其北有喀山汗。西南濱黑海。有哥里米汗。東西阿拉海附近一帶。有月卽別族。東吉利吉思荒原附近。有吉利吉思族。宜萬三世乘此機。知喀山哥里米二汗。與欽察汗有怨。乃與同盟背阿美德。阿美德知俄羅斯與波蘭土爲仇敵。因與波蘭土結好。而伐宜萬。陣歿。於是欽察汗國亡。俄羅斯獨立。實日本曆二千百四十年。明憲宗成化十六年也。

欽察汗國雖亡。然阿美德子孫。尙據東河。及烏拉耳河之間。建大幹兒朶汗國。阿美德從子等。別於烏俄爾加河下流。建阿斯坦拉汗國。與波蘭土通。防宜萬。宜萬與喀山哥里米二汗。堅盟以當之。日本曆二千百

六十二年

明孝宗弘治十五年

哥里米汗們克里喀來。遂滅大汗兒朶汗國。國勢

日振。其子謨哈美德喀來之時。適喀山汗血統絕。乃推其弟爲喀山汗。

宜萬三世子法西里四世。恐哥里米汗之強。力拒之。於是二國之盟敗。

喀山汗國。乃有俄羅斯黨與哥里米黨。兩派相爭不已。後喀山汗及阿

斯坦拉汗與哥利米汗通。以抗俄羅斯。法西里四世子宜萬四世遂以

日本曆二千二百十二年

明世宗嘉靖三十一年

滅喀山汗。其後二年。又併阿斯

坦汗國。

蒙古族之於欽察地方。所建諸汗國。至是先後盡亡。唯餘哥里米汗國

而已。哥里米汗與喀山阿斯坦拉兩汗。協力抗俄羅斯侵略。然無功。乃

南仰土耳其帝國保護。僅維國命。至日本曆二千四百四十三年

乾隆四十四

年。卒爲俄羅斯所併。宜萬四世已滅蒙古族諸汗國。更欲經略東方。時

東河河畔之可薩克部長愛耳瑪耳克者率其部下爲宜萬遠征西伯利亞。

曩金黨汗衰欽察汗國分裂之際月卽別族割劇阿拉海裏海之北邊

一帶自日本曆二千二百十六年明世宗嘉靖三十五年昔班後裔庫程率今多

博耳斯克附近之月卽別族號悉畢兒汗以羈屬吉利吉思族及俄士

恰克族負勢屢攻俄羅斯邊境日本曆二千二百四十年明神宗萬曆八年愛

耳瑪耳克連破庫程汗略其地獻之宜萬四世及宜萬四世之孫米措

爾三世君臨俄羅斯益遣可薩克經略東方日本曆二千二百七十八

年明神宗萬曆四十六年於也尼塞河畔建城堡後十年又於昂可拉河岸築壁

壘其地之俄土恰克通古斯諸侯漸服從之自日本曆二千三百三年

明思宗崇禎十六年以後乃沿黑龍江漸侵滿州北部時清朝方有事南方不遑

北顧滿州地方守兵屢爲可薩克所敗。

聖祖旣平吳三桂下臺灣南方略定乃欲攘可薩克增置墨爾根齊齊

哈爾俱嫩江之沿岸守備兵日本曆二千三百四十五年康熙廿四年遣彭春率水

陸兵萬五千攻可薩克兵於雅克薩城卽亞爾巴郡在黑龍江之上流陷之未幾爲可

薩克兵所奪復聖祖遂介荷蘭致書俄羅斯請定邊境俄帝彼得一世

允之遣使費耀多羅聖祖亦命索額圖偕天主教徒徐日昇張誠赴色

楞迦河岸與之會是時準噶爾部方與喀爾喀部構兵外蒙古大擾乃

自中途而還更會於尼布楚黑龍江之衆流什爾哈河之中流議定境界清國公使護

衛兵頗多且以天主教徒相持甚厲費耀多羅不能與爭乃以外興安

嶺以南地悉與清國實日本曆一千三百四十九年康熙廿八年也聖祖新

於黑龍江沿岸置屯田兵以嚴守備俄羅斯遂不能南下

第二篇 清經略塞外

第一章 準噶爾部跋扈

自元世祖拜跋思巴爲帝師，其後嗣世轄西藏之喇嘛，其衣帽尚紅色，名曰紅教喇嘛。紅教喇嘛以密呪爲旨，蓄妻子，多弊害。且以元及明初得支那政府尊仰，頗流於侈惰。方是時宗喀巴出喇嘛教，復別創新派焉。

宗喀巴以日本曆二千七十七年

明太宗永樂十五年

生於西寧

甘肅

排幻術，禁娶

妻，務除多教喇嘛弊害，自創新教。因着黃帽黃衣，以示別，故有黃教喇嘛之名。及黃教興，世人大加歡迎。未幾，其勢與紅教頡頏。宗喀巴以日本曆二千百三十九年

明憲宗成化十五年

圓寂。其最高弟爲達賴喇嘛，居西藏

首府拉撒次。高弟爲班禪喇嘛，居拉撒之西札什倫布。分管黃教喇嘛

宗喀巴既禁娶妻，故特創嗣續之法，謂達賴班禪兩喇嘛不死，唯爲呼畢爾罕。化身之義輾轉出現，以濟度衆生云。

日本曆二千二百三年

明世宗嘉靖廿二年

三世達賴喇嘛立，有高德，漸得蒙古

諸部尊信，遂從俺答黃台土等懇請，親往漠南蒙古部布教。及俺答曾孫繼爲四世達賴喇嘛，黃教勢力益張於內外蒙古及伊犁地方。日本

曆二千二百六十四年

明神宗萬曆三十二年

土拉河畔之庫倫，至置大喇嘛，以

處理其地教務，然黃教勢增，紅教喇嘛妬愈甚，遂欲引拉達克

西藏之西端

之首長藏巴汗，以抑壓黃教。五世達賴喇嘛乃招致衛拉部以拒之。

衛拉

卽瓦刺

部自也先死後，久不振，月卽別族襲其西陲，土默部擾其東

境，然當明末清初，乘蒙古諸部衰微，勢復強。當時衛拉部更分四部，一

曰準噶爾部，居伊犁；一曰都爾伯特部，居厄爾齊斯河上；一曰土爾扈部，

居塔爾巴哈台附近。一曰和碩部，居烏魯木齊附近。及受五世達賴喇嘛命，於是和碩部長固斯汗，藉其餘三部之援，自青海入西藏，擊藏巴汗，殺之。紅教喇嘛南遁，不丹、泥波爾地方，西藏全土，遂歸黃教喇嘛。實日本曆二千三百三年，明思宗崇禎十六年也。固始汗子孫後，根據青海地方，握西藏兵權，又屢遣使清廷，以通好焉。

達賴班禪兩喇嘛，唯總裁宗教之事。其他世務，悉委之他喇嘛。名曰第巴。時有桑結者，爲第巴，以爲五世達賴近親，故威勢頗強，欲絕和碩部之干涉，竊招準噶爾部。

日本曆二千二百年之頃。

約明神宗萬曆廿八年

巴圖爾渾臺士爲準噶爾

部長，征服土爾扈部、都爾伯部，勢威漸強。渾臺士長子僧格嗣，未幾被弑。其弟噶爾丹時方爲喇嘛，在西藏歸而靖亂，爲準噶爾部長。事在日

本曆二千三百三十三年

康熙十二年

初噶爾丹之在西藏也與桑結有交

及長準噶爾部欲爲桑結挫和碩部以和碩部納準噶爾部叛衆爲名

日本曆二千三百三十七年

康熙十六年

大破固始汗之子達顏汗噶爾丹

既服青海西藏尋又併天山南路

喀什噶爾汗吉思兒本臣服於帖木兒至帖木兒死中央亞細亞騷亂

故其後嗣乘之漸西拓地日本曆一千九十一年

明世宗嘉靖十一年

拉西朶

嗣頻用兵東向殆併天山南路日本曆二千二百三十二年

明穆宗隆慶六年

拉西朶死喀什噶爾汗威勢全衰當喀什噶爾汗之盛也中央亞細亞

回教士來居天山南路者頗多名曰和卓得喀什噶爾汗尊信拉西朶

尤崇奉之故其勢日強及喀什噶爾汗衰乃代握天山南路政權其間

復生黑山白水兩派彼此相爭白山派之亞巴克爲黑山派之伊士摩

兒所逐奔西藏乞援於五世達賴噶爾丹奉達賴喇嘛命擊破黑山派
擁立亞巴克於噶什噶爾時日本曆二千三百二十八年康熙十七年也爾
後八十年間天山南路全爲準噶爾部所有

噶爾丹既統一天山南路又征服青海西藏乃東出兵擊喀爾喀部於
外蒙古於是與清廷之釁起

第二章 清與喀爾喀部及準噶爾部之關係

明中葉以後韃靼總別爲三部科爾沁部居蒙古東部興安嶺附近成
吉思汗弟糊只後裔君臨之科爾沁部之西北今之外蒙古一帶是曰
漠北蒙古部一曰喀爾喀部其南內蒙古一帶曰漠南蒙古部其君多
屬成吉思汗之裔韃靼三大部中科爾沁及漠南蒙古部早歸附清獨
喀爾喀部未降

喀爾喀部乃韃靼大汗達延末子札賚爾封地後更分爲三部札薩克

圖汗在其西佔杭愛山西麓一帶土謝圖汗在其中據土拉河流域車

臣汗在其東領克魯倫河流域喀爾喀部以西天山北路一帶地屬衛

拉部兩部以土壤相接素不相善及準噶爾部之噶爾丹已統一衛拉

部更欲東襲喀爾喀部乘喀爾喀部之三汗不和乃以日本曆二千三

百四十八年康熙廿七年大舉侵入喀爾喀部蒙古地方之喇嘛等皆應之

三汗部落土崩乃東走途遇清使索額圖遂乞保護清聖祖諭噶爾丹

使收兵還侵地不聽反長驅逼內蒙古東部日本曆二千三百五十年

康熙二十九年聖祖命王兄福全皇子允禔等逆擊之於西喇木倫遼河之附

近嗣後尚擾漠北以故日本曆二千三百五十六年康熙三十一年聖祖率師

親征朔克魯倫河連追噶爾丹大敗之於昭莫多土漠河之南曩噶爾丹之

長準噶爾部也。欲殲其兄僧格遺族，以絕後患。故僧格子策妄阿拉布坦遁於巴爾噶斯湖畔。至是乘機歸伊犁，糾眾通好於清。噶爾丹腹背受敵，遂自殺。聖祖留守兵於科布多，使鎮漠北。乃遣軍青海之和碩部、聞噶爾丹死，叛準噶爾部，復降清。

西藏之第巴桑結，先因準噶爾部長噶爾丹之助，殺和碩部，故其威遍

西藏。及日本曆一千三百四十二年，康熙廿一年五世達賴死，秘不發喪，自

擁立六世達賴，益擅權勢。會噶爾丹敗亡，故和碩部長達顏之孫拉藏

汗欲恢復祖宗遺業，以日本曆一千三百六十五年，康熙四十四年入拉撒，殺

桑結。且因六世達賴而立新六世達賴。清聖祖夙惡桑結之通噶爾丹，

故保護拉藏汗，使鎮西藏。西藏之喇嘛等不悅拉藏汗，蒙古諸部亦不

服彼所新立之達賴喇嘛，而別選達賴喇嘛，奉之於甘肅西寧。準噶爾

部之策妄阿拉布坦因乘機侵西藏。

策妄阿拉布坦富武略有大志自領準噶爾部以來頻年西出兵破吉

利吉思族大拓疆宇以西藏紛擾之機日本曆二千三百七十七年

康熙五十八年大舉襲拉撒殺拉藏汗西藏喇嘛多應之聖祖聞變命皇子允禩

向西藏準噶爾兵退至伊犁清軍入拉撒迎西寧之達賴喇嘛爲六世

達賴凡通於準噶爾部之喇嘛悉予誅殺實日本曆二千三百八十年

康熙五十九年也自是清之威力振於西藏

青海之和碩部嫉清廷之威震西藏也乘清世宗新立煽動青海西藏

諸喇嘛作亂世宗發四川陝西兵擊破之叛衆多投北方準噶爾部世

宗自是以鎮撫西藏保護喇嘛爲名派兵二千置駐藏大臣於拉撒時

日本曆二千三百八十四年

雍正二年也

準噶爾部之策妄阿拉布坦自敗於西藏後屢與俄羅斯用兵俄羅斯

帝彼得一世聞天山南路多沙金欲遣可薩克兵探之阿拉布坦拒不

許日本曆二千三百八十年康熙五十九年兩軍大戰於厄爾齊斯上流尋講

和復納和碩部叛衆專抗清廷日本曆二千三百八十七年雍正五年子噶

爾丹策零立紹其遺志以日本曆二千三百九十一年雍正九年逐科布多

清兵侵喀爾喀部三音諾顏部長策凌大敗之於鄂爾坤河畔乃請和

於清世宗命策凌與策零會以阿爾泰山爲喀爾喀部準噶爾兩部之

界約彼此不得相越三音諾顏部者札賚爾曾孫丹津刺麻諾們罕之

後故隸土謝圖汗聖祖以來其部長策凌屢破準噶爾部有大功日

本曆二千三百八十五年雍正三年世宗命之獨立使鎮色楞迦河流之地

自是喀爾喀部始分四大部焉

日本曆二千三百九十五年。世宗子高宗嗣位。是時噶爾丹策零死。庶子達爾札立。多戮族衆。國以大亂。阿睦爾撒納者。廢之。別立阿拉布坦。從孫達瓦齊。負其功。驕暴日甚。爲達瓦齊所逐。來奔於清。言伊犁可取。於是日本曆二千四百十五年。乾隆二十年高宗遣班第與阿睦爾撒納伐達瓦齊。使平定準噶爾部。清之平定準噶爾部也。阿睦爾撒納以功得領準噶爾部。更望總管衛拉四部。高宗懲噶爾丹族之跋扈。拒之。因大怨。竄清兵東歸。乃舉兵於天山北路。一時天山南路和卓等並起。應之。勢頗猖獗。

噶爾丹向助白山。逐黑山。及阿拉布坦。爲準噶爾部長。乃屏白山。而使黑山。統天山南路。達瓦齊時。準噶爾部有內亂。黑山。派之和卓等。以有浩罕及布哈拉後援之約。遂圖獨立。悉逐準噶爾守兵。及阿

睦爾撒納領準噶爾部。乃擊黑山。派擁立白山派之布羅尼特於喀什噶爾。至是布羅尼特等率和卓助阿睦爾撒納以抗清。日本曆二千四百十七年。乾隆廿一年高宗遣兆惠成衮札布等以擊阿睦爾撒納。阿睦爾撒納敗死。天山北路之地全平定。清將兆惠富德等進入天山南路。陷庫車阿克蘇。遂圍和卓根據地之喀什噶爾。及葉爾羌。布羅尼特防戰不利。遁於巴達克山。途次被殺。時日本曆二千四百二十年。乾隆二十五年也。於是天山南北兩路全歸清版圖。清廷威勢振於葱嶺以西。浩罕阿富汗諸國亦前後仰清保護云。

第三章 清官制及兵制

清自滿州興。先併內蒙古。取支那本部。尋定外蒙古。西藏。天山南北兩路。至有今日之版圖。茲就其所設官制及兵制。所以撫馭全土之法。述

略如左。

一官制

一中央 清之中央政府合內閣與吏戶禮兵刑工六部而成。內閣有大學士。總理天下政務。吏部掌內外文官之進退黜陟。戶部統天下之財政。禮部掌禮儀學業。兵部掌天下軍政。及武官之進退。刑部統天下之刑法。工部掌天下土木之事。清初以內閣六部官制統治天下。及後經略塞外。更置理藩院。以管轄內外蒙古。天山南北兩路。青海及西藏各藩院。六部及理藩院長官曰尚書。次官曰侍郎。尚書侍郎以下之員。概屬偶數。以滿人漢人平等任之。至近時更設總理各國事務衙門。以統外交之事。又設海軍衙門。以統海軍。高宗時。敕選內閣大學士及各部尚書侍郎等。爲軍機處大臣。使參決軍國機務。內閣漸失實權。故至

今日其中央政府實以軍機處總理天下政務而以九部分任之耳
一各行省之制度試別爲三以便觀覽甲支那本部及新疆乙滿州丙
藩部如下

甲支那本部分直隸山東山西河南江蘇浙江安徽江西福建廣東廣
西湖北湖南陝西甘肅四川貴州雲南十八省分省爲府於其下置州
縣各地長官曰總督有統一省者有兼轄兩省或三省者握境內文武
大權其下有巡撫及提督俱每省一人提督以統省內兵事巡撫主民
治更於巡撫下置布政使以管省內財政有按察使以掌刑獄其地府
有知府州有知州縣有知縣各治其管內近年以天山南北兩路爲新
疆省其所用制度亦漸與支那本部同


乙滿州地方亦如支那本部然分盛京吉林黑龍江三省因爲清朝始

與地故特異其制度盛京省則於首府奉天置府尹以總理省治吉林與黑龍江二省則各置將軍統之


丙內外蒙古及青海地方分之為盟更分之為旗盟有盟長旗有札薩克使統治其管內皆以本地部長酋長任之內蒙古之盟長札薩克直隸理藩院惟外蒙古則隸烏里雅蘇臺之定邊左副將軍青海部則於西寧置辦事大臣監之西藏部則於拉撒置駐藏辦事大臣統之今就清朝內外官制圖示如左

皇帝 內閣

軍機處



八衙門



盟長——札薩克

盟長——札薩克

定邊左副將軍
西寧辦事大臣
駐藏辦事大臣

二兵制

一陸軍。清之陸軍分八旗與綠旗。八旗者天子親軍。太祖時分滿州

兵爲八旗。

正黃 正白 正紅 正藍
鑲黃 鑲白 鑲紅 鑲藍

及後征服內蒙古。略支那本部。更以蒙

古族漢族各編八旗。故共二十四旗。八旗兵主任滿州及京城警衛。又

駐防全國內樞要地。綠旗者。清自平定支那本部後。專以漢族編成之

常備軍也。大抵以鎮撫各省爲職。八旗綠旗外。支那本部別有勇兵。內

外蒙古則有旗兵。西藏則有番兵。勇兵者。布一種義勇兵。王補充綠旗

之乏。乃後內亂相踵。遂所在常置勇兵。旗兵者。乃蒙古部落之一種民

兵。分內蒙古爲四十九旗。外蒙古爲八十六旗。青海爲二十九旗。各旗

兵皆任其地警備之責。番兵者。所以防禦西藏。以土民編成之。備兵也

今以左表明之。

京城

八

旗分

滿洲

八

旗分

支那本部

綠旗百之八十一

聯蒙古
青海

旗兵百之九十

新疆

八

六百之綠

旗百之西藏

綠旗百之

番

兵百之

二海軍

清海軍係近年創設別為四部北洋水師主防渤海沿岸南洋水師主江蘇浙江海岸福建水師主福建沿海廣東水師主廣東沿海

海。

第四章 清之經略西南方

聖祖以來世宗高宗之間專用力西北然其於西南經略亦未嘗忽蓋雲南貴州之在支那本部中也歸清版圖最晚尋有吳三桂之亂清廷威勢未遍其地苗蠻往往擾邊世宗命鄂爾泰鎮撫之及清興準噶爾部有事日本曆一千三百九十五年雍正十三年貴州南部生苗亂附近熟

苗應之勢頗猖獗。世宗命張廣泗悉戡定。唯大小金川。四川之西部打箭爐附近。

族恃其地僻險，反覆無常。高宗使阿桂伐之。至日本曆二千四百三十

六年。乾隆四悉征服。清既征服西南夷，與緬甸暹羅、廓爾喀、安南等之

交涉起。

一、與緬甸及暹羅之關係。緬甸自本克他利後，內亂相繼。自古部乘

之獨立勢日強。日本曆二千四百十一年。乾隆十遂陷國都阿瓦。伊羅

瓦底河上流諸蠻部，多為所羈屬。獨木疏。阿瓦北六十英里部長甕籍牙抗之。

恢復阿瓦，建新緬甸國。日本曆二千四百十三年。乾隆十遂征服自古

下阿撒母，又伐暹羅。

暹羅曩雖脫緬甸羈絆，然其國之承統法，向多係兄弟相及，故內亂不

絕。外人流寓其地者，常乘機獲高位。日本曆二千二百八十年。明光宗泰昌元

年之頃日本山田長政率僑寓暹羅之日本人以勤王事暹羅王寵之

為貴族妻以女其後五十年希臘人孔士坦丁者來暹羅娶日本人為

妻亦得暹羅王信任握軍國大權盡力傳播耶穌教後孔士坦丁思固

已勢乃說王使請法蘭西王保護法蘭西王路易十四世喜而應之日

本曆二千三百四十五年康熙廿四年遣法兵若干赴暹羅暹羅民固不好

耶穌教且疑法之遣兵於是日本曆二千三百四十九年康熙廿八年叛黨

起殺孔士坦丁逐法兵暹羅國威遂以不振緬甸王薨籍牙及其子孟

駁等屢入寇日本曆二千四百二十七年乾隆三十二年緬軍陷其國都猶地

亞留守兵而凱旋

緬甸既得勢故屢擾雲南西南部清軍防戰常失敗將軍明瑞陣歿於

是日本曆二千四百二十九年乾隆三十四年傅恒奉高宗命自雲南永昌府

水陸並進，將向阿瓦。孟駁知難敵，且恐清與暹羅通，乃請和。高宗亦慮將士病瘴癘，許之。

暹羅之敗於緬甸也。來居暹羅之漢人鄭昭募同志，固守海濱地。乘緬

甸與清攻戰，乃得安南真臘。

東蒲

爰再興暹羅國，始都盤谷。時日本曆

二千四百二十七年。

乾隆三十二年

也。緬甸與清和後，復用兵暹羅，然無功。已

而鄭昭爲內亂遇弑。日本曆二千四百四十二年。

乾隆四十七年

法亞查克利

新爲暹羅王，通好於清。高宗封爲暹羅國王，卽今暹羅王家之始祖也。

二、與安南之關係。

初安南之黎利建大越國。日本曆二千百二十年。

明英宗天順四年

其孫黎灝爲國王，有武略，先滅占城，尋降老撾，大拓版圖。然

死後未幾，內亂起，莫登庸者以鎮定內亂功，頗得勢。日本曆二千百八

十八年。

明世宗嘉靖七年

篡王位，有阮金者以得老撾之援，奉黎灝曾孫據清

華州安南乃分兩部莫氏王於北黎氏王於南時日本曆一千百九十

一年明世宗嘉靖十年也南北對峙者六十五年而南黎氏之將鄭松滅北莫

氏一統安南負功專權阮淦子潢惡之據西都順化府國號廣南將擊

鄭松鄭松擁黎氏據東京交都更稱國號曰大越以當之於是安南復

為大越廣南二部

廣南南略真臘一時勢盛其後百八十年有阮文岳者與弟文惠共舉

兵先滅廣南又併大越遂統一安南時日本曆一千四百四十六年乾隆

五十一也黎氏之裔黎維祁奔清乞援日本曆一千四百四十八年乾隆

五十一年高宗遣孫士毅恢復東京反為阮文惠所敗然文惠恐有後患請降

高宗亦懲前敗許其請

三與廓爾喀部之關係 喜馬拉耶南麓蠻民建為無數獨立部就中

泥波爾部最強，後分三部，自相爭競。其西鄰廓爾喀部，以日本曆二十四百二十年乾隆五十二年滅泥波爾部，勢日強，寢凌四鄰。日本曆二千四百五十一年乾隆五十六年，遂侵西藏，大掠而還。高宗得報，使福康安追擊之，進陷其國，都可莽多、廓爾喀部遂請降。福康安命納貢幣，返掠品，而後還軍。

廓爾喀部之南卽印度，時已隸英版圖。廓爾喀部之見迫於清也，屢請援於英之印度總督，故清廷頗疑英人。嗣後禁西藏與四境交通，其於印度之方尤禁之，且增駐藏兵，以嚴守備。

第三篇 英人東漸

第一章 帖木兒後之中央亞細亞形勢及莫卧兒帝國之盛衰

帖木兒死，沙合魯平定中央亞細亞，暨日本曆一千百八年明英宗正統十三年

其子惠固白克嗣文弱國內復亂於是帖木兒玄孫亞布瑟德請援於月卽別部曩金黨汗之衰也拔都弟昔班之子孫據裏海北岸稱月卽別汗乘伊兒汗及欽察汗不振漸南下佔據裏海阿拉海沿岸一帶地勢轉強至是月卽別部長阿不兒開援亞布瑟德以靖其國難使復君臨中央亞細亞時日本曆二千百十二年明景帝景泰三年也阿不兒開後更擊破瓦剌部勢益張遂爲他日月卽別部佔中央亞細亞之基礎

亞布瑟德卽位後征服四方自天山之西至八吉打北自西爾河南至波斯灣大拓版圖尋日本曆二千百二十七年明憲宗成化三年征波斯西部

之土耳其族爲其族長哈珊白克所敗陣歿於是其屬土分裂帖木兒

之裔各據一方其間阿不兒開之孫西邦頻南下以日本曆二千百六

十年明孝宗弘治十二年陷撒馬兒罕佔中央亞細亞

哈珊白克自擊破亞布瑟德，統一波斯全土及死，諸子爭位，國亂。先是回教之高僧薩費巫丁，頗爲波斯人尊信。其六世孫希耶以司梅爾亦以父祖餘德，民望甚厚，且彼爲哈珊白克外孫，故得國人歸服。至是遂興薩費王家，一統波斯。時日本曆二千六百六十二年。

明孝宗弘治十五年也。

回教祖師摩訶末之義子曰亞黎，當嗣摩訶末。然摩訶末死後，亞布貝克兒、俄瑪爾、阿斯曼相繼爲哈利發，而後始至亞黎。回教徒中有一黨曰西阿派者，專袒亞黎，謂其子孫宜永踐君祚，而排亞布貝克兒等爲篡奪。其右亞布貝克兒等者，以名上那派二派常相仇，及希耶以司梅爾君臨波斯，始定西阿派爲國教。月卽別部以屬上那派，故乃連伐之。略呼羅珊、花刺子摸地，但花刺子摸之月卽別部未幾獨立。適希耶以司梅爾方與土耳其帝國爭西方亞細亞，乃乘機起。日本曆二千百七

十五年

明武宗正德十年

昔班疎族義爾巴士者始建基汗國

曩帖木兒帝國分崩而月卽別部之佔中央亞細亞也亞布瑟德孫白

拜兒

卽帖木兒六世孫

據阿富汗地方欲恢復祖宗遺烈旋以得希耶以司梅

爾援日本曆二千百六十年

明孝宗弘治十三年

入撒馬兒罕遂西邦於西爾河

外恢復中央亞細亞撒馬兒罕布哈拉居民爲上那派故不悅白拜兒

與波斯親時圖叛西邦乘之復侵中央亞細亞陷布哈拉建布哈拉汗

國於是白拜兒絕意中央亞細亞退至阿富汗而別圖印度

帖木兒退去後特克拉克王家復君臨疊爾黑但勢已衰殆如無政府

也者日本曆二千百十年

明景帝景泰元年

阿富汗人必羅兒路提者建路提

王家其間喇諦普特種族尚割劇四方與相攻及日本曆二千百八十

八年

明世宗嘉靖七年

白拜兒遂陷疊爾黑滅路提王家又征服近傍之喇諦

菩特種族定母兒坦及必哈兒之地於是自阿母河至恒河下流悉歸

阿富汗疆域日本曆一千百九十年明世宗嘉靖九年子福馬融嗣其弟卡姆

蘭叛於可不里得布哈拉汗援略阿富汗巴達克山及西印度地印度

之阿富汗人亦謀亂福馬融遂遁波斯仰薩費王家保護時日本曆二

千三百年明世宗嘉靖十九年也

波斯王希耶以司梅爾以日本曆二千百八十三年明世宗嘉靖二年死子達

馬師普嗣屢與布哈拉汗相鬪故福馬融之來奔也歡迎之福馬融得

其援兵而還破卡姆蘭恢復阿富汗及巴達克山之地日本曆二千二

百十六年明世宗嘉靖三十五年侵印度未幾死子亞克入嗣都阿固拉疊爾黑之東南

與喇諦菩特種族之諸侯通婚舊例凡非回教徒悉課稅至是廢之以

收溫教教徒歡心乃得其力以征服阿富汗人等所建諸回教國於是

夏津夏夏
卷四
阿母河以南賓都耶山以北乃有莫卧兒帝國興焉

賓都耶山南之德干地方曩有阿富汗人熟法兒建巴瑪尼王家其後

分爲五回教國就中唵摩志那喀爾國最強德干之南有德拉維達族

德拉維達族者印度最古之居民也爲外來諸族阿利安等次第逐至

南方遂於南印度建維諦那喀爾國崇奉温都教常與唵摩志那喀爾

等回國相爭伐日本曆二千二百二十五年明世宗嘉靖四十四年爲唵摩志那

喀爾國遭一大挫其勢頓衰是時唵摩志那喀爾國獨雄視賓都耶山

南

亞克八自日本曆二千二百四十年明神宗萬曆八年以後屢南用兵爲唵摩

志那喀爾等回教國之連合軍所敗遂以日本曆二千二百六十五年

明神宗萬曆三十三年不遂志而死經子的杭噶爾而至孫希耶的杭曾孫奧蘭

庫善普二代其間常經略南方遂征服回教國印度全土始歸莫卧兒

帝國版圖然莫卧兒帝國是時已見衰兆波斯王達馬師普五世孫亞

拔士二世乘希耶的杭有事南方乃屢侵阿富汗斯坦日本曆二千三

百十三年順治十年陷乾陀羅嗣後印度河外地概歸波斯且亞克八政略

保護溫都教徒而奧蘭庫善普則極從回教凡非回教徒復令納稅又

禁溫都教徒就官故喇諦菩特種族漸多謀亂者南印度之溫都教徒

甚至聯爲摩奈大同盟抵抗之奧蘭庫善普以日本曆二千三百四十

三年康熙廿八年自將大軍往征二十餘年無功旋於日本曆二千三百六

十七年康熙四十六年死其後嗣概庸劣故喇諦菩特種族所在割據殆各獨

立就中摩奈大同盟之勢益猖獗席卷賓都耶山南地其印度河一帶

亦波斯所侵略

日本曆一千三百二十六年。康熙五年亞拔士二世死。波斯內亂相繼。國勢

不振。阿富汗人雖羈屬於波斯。然以素屬上那。派回教徒。故常謀獨立。

會日本曆一千三百六十八年。康熙四十七年有密而法司者。率阿富汗人。叛

於乾陀羅。日本曆一千三百七十五年。康熙五十四年子馬母朶嗣。陷起兒漫。

入伊斯發杭。爲波斯王。

是時俄羅斯彼得帝。方圖略東方。乘此機。不認馬母朶爲波斯王。出兵

略高加索山南。土耳其帝國。亦侵氣固利斯河東之地。會日本曆一千

三百八十五年。雍正三年馬母朶死。從弟亞西臘甫繼。請和於土耳其。時俄

帝彼得亦死。東侵之舉遽罷。乃免外患。未幾波斯人那的兒者。頻破阿

富汗人。恢復伊斯發杭。而代爲波斯王。實日本曆一千三百九十六年

乾隆元年也。那的兒更驅餘勢。東向征服布哈拉汗。定巴達克山地。入阿富汗

汗斯坦降乾陀羅可不里日本曆一千三百九十八年乾隆三年遂侵入莫

卧兒帝國大肆掠奪時奧蘭庫善普後四傳至謨哈美德希耶爲莫卧兒帝防戰不利遂請和親當是時莫卧兒內憂外患一時薦至英人乘之遂愈畫侵略印度之策

第二章 英之侵略印度

日本曆二千百五十八年明孝宗弘治十一年葡萄牙人滑士科達軋摩始開航

路於印度自後百餘年間葡萄牙人以卧亞爲根據地擅東洋商權彼等務強異教徒令宗耶蘇教又圖侵土地故未幾卽爲印度之温都教徒及回教徒所詆方是時荷蘭人漸注意東洋貿易日本曆二千二百六十二年明神宗萬曆三十年始聯設東印度商會奪葡萄牙殖民地代握東洋

商權時英國亦以日本曆二千二百四十八年明神宗萬曆十六年破西班牙及

葡萄牙海軍於遠航之舉頗加力。英人欲與印度直互市。故於日本曆

一千二百六十年。

明神宗萬曆廿八年

創設東印度商會。初頗受葡萄牙人抗拒。

然卒勝之。漸爲溫都教徒所尊信。且日本曆一千二百八十年。

明光宗泰昌元年

以來。英人於印度羣島爲荷蘭人所逐。故專事印度貿易。日本曆二

千二百九十九年。

明思宗崇禎十二年

以馬得拉士爲根據。西於孟買。東於卡爾

咳塔。俱開商館。以營貿易。英人鑑葡萄牙覆轍。故以侵略土地爲後。然

是時印度自有摩奈大同盟。以來擾亂相踵。英商務大損。於是日本曆

二千三百四十九年。

康熙二十八年

東印度商會乃決議佔據土地以圖全商。

是實英人侵略印度之濫觴也。英既欲侵略印度。故與法人之交涉起。

法蘭西自日本曆一千二百六十四年。

明神宗萬曆三十二年

始設印度商會。以

從事東洋貿易。法於印度之根據地防狄舍。與英人之馬得拉士。又法

人之下達爾那喀爾與英人之卡爾咳搭相距不遠故其勢爭競且當時歐洲英法方有戰事故其於殖民地益齟齬當是時莫卧兒國殆分崩各地副王等隱具獨立之勢會日本曆二千四百四年乾隆九年阿爾可

脫地方有內亂英法兩國乘之以各欲擁立副王相爭執法人的哺烈

勢凌英人顧以當時法政府國是不一英國東印度商會之書記克雷

飛者寢恢復其勢日本曆二千四百二十一年之頃乾隆二十六年英人最後

得利其於北希爾卡地方勢頗張日本曆二千四百十七年乾隆二十二年下

達爾那喀爾之法人得孟加拉副王援與英爭克雷飛又擊破之而廢

立孟加拉副王由新立之孟加拉副王以卡爾咳搭附近所有權與之

已而孟加拉副王厭英人專權與奧得副王及莫卧兒帝同盟思拒英

反大敗其卒也遂以孟加拉必哈兒及俄里煞之收稅權悉歸英人時

日本曆二千四百二十五年

乾隆三十年

也。爾後印度每內亂，英人必干涉。

之更易其地之副王，而奪收稅權於商會，以爲酌報。當克雷飛去印度之際，恒河流域實權始已全歸英人掌握。及日本曆二千四百二十七年，海士清固承其後，爲印度知事，尋爲總督，力以改良諸務爲志，且更殺副王之權威，而增英國之勢力。

阿富汗斯坦曩爲波斯王那的兒所征服，已而日本曆二千四百七年

乾隆十二年

那的兒死，波斯紛擾不已。阿富汗人亞摩多乘機獨立，自稱算

端。先後十四年間，侵英度者六次，故北印度大半爲所略。是時摩奈大同盟方握莫卧兒之實權，亞摩多敗於巴尼巴特，而擁莫卧兒帝，以號令北印度。至亞摩多死，承位之爭禍起，阿富汗算端不復能顧印度。摩大同盟時尚踞諸方，而自巴尼巴特敗後，無復昔日之勢，遂漸分南北。

兩家以相爭競。拿破侖一世之握法國主權也。思凌壓英國。以恢復法之威力。乃助北家。而英之印度總督惠斯烈。則黨南家。敗北家。以略色姆那河上流地。於是疊爾黑之莫卧兒帝。全仰英保護。英人擁以號令四方。時日本曆二千四百六十四年。嘉慶九年也。

英之威勢。殆席捲賓都耶山北。而南家之摩奈太自不安。日本曆二千四百七十七年。嘉慶二十二年。與北家餘衆和。協力抗英。然全敗。於是南印度。

亦歸英版圖。西印度及北印度之一部。有回教徒。及温都教之一派。卽所謂西克教徒者。佔之。亦前後爲英所征服。至日本曆二千五百年之道光二十一年。印度全土。遂歸英。

英人征服印度以來。專務改良內治。顧印度國民宗教風俗。俱與英異。故大不喜英所爲。其副王等。以屬地爲英所奪。尤深惡之。埃機待發。將

謀恢復。會英於哥里米戰後。國事方殷。且其印度守兵多遣赴緬甸。於

是日曆二千五百十七年。

咸豐七年

孟加拉士兵先亂。恒河流域之地應

之。然未幾得鎮定。莫卧兒帝以曾與亂。因奪其尊號。幽之緬甸之卽拱。

自亞克八建國。凡三百二年。而莫卧帝國亡。英國政府乃乘機以釐革

國政爲名。收印度商會政權。移之政府。日曆二千五百三十七年。

光緒

二年。英女皇維多利亞襲印度女皇尊號。置印度省於政府。而於卡爾哈

搭設總督使位。印度大臣之下而執印度政務焉。

東印度之孟加拉。經阿羅漢而連緬甸。時緬甸當二千四百四十一年。

乾隆四十六年

孟駁弟波多唵普喇卽王位。乘暹羅內亂。向西征服阿羅漢。日

本曆二千四百四十五年。

乾隆五十年

更侵暹羅。爲法亞查克利所敗。反被

奪其馬爾達般之地。阿羅漢人民欲圖獨立。會不果。多西遁孟加拉。緬

甸兵追之。侵入孟加拉。故與英生釁。值阿撒母有內亂。其國王乞援於緬甸。波多唵普喇以援助爲名。據阿撒母。阿撒母王乃更乞保護於英。日本曆一千四百八十四年。道光四年英緬之間開戰。緬甸全敗。遂以阿撒母。阿羅漢迭乃式里母之地。及償金二百萬磅。與英以和。自是緬甸深怨英。屢虐待其商民。日本曆一千五百一十二年。咸豐二年戰事再起。英人遂略白古。緬甸悉失其沿海地。後又頻圖恢復。英遂滅之。舉其地爲印度屬州。實日本曆一千五百四十五年。光緒十一年也。其後十年。馬來半島之諸小邦。亦聯合一國。以仰英保護。

第三章、阿片之戰

初寓居支那之英人。爲葡萄牙人所妨。不能自振。然其於廈門及廣東貿易如故。後東印度商會。請於英政府。得支那通商特權。屢圖推廣商

業以爲英人之勢遂駕歐洲他國而上之其商貨大宗首推印度之阿片流弊殊甚故清廷屢示禁願未能杜絕及宣宗卽位以林則徐爲兩廣總督使監阿片之事則徐嚴諭廣東外國商人令三日內盡出所藏阿片得二萬二百九十一箱悉焚棄且謂後有賣買阿片者當處以死刑旋以英商尚多密賣者遂并其通商亦禁之英人故以阿片爲支那商務大宗於是英將布冷墨爾率軍艦十五艘迫清廷復互市佔舟山島封鎖廣東廈門甯波等諸港別遣將阨利阿多直入渤海清廷罷林則徐命琦善至廣東講和議不協英將卧烏古率援軍佔廣東更北上連陷定海鎮海甯波乍浦又取吳淞逼南京清廷遂議和遣耆英伊希布與英國全權公使僕鼎查會於南京訂約如左

一則償所焚阿片及兵費二千一百萬兩

二以香港讓英且開上海寧波福州廈門廣東五口爲商埠

自五口通商以來罪徒多受僱於外船莫免逮捕日本曆二千五百十

六年

咸豐六年

有掛英國旗之商船名亞羅者清廷官吏登船搜索捕清人

十二名以去香港知事巴篤斯怒訴於兩廣總督不得要領會法國教士亦於廣西爲清民所殺其翌年英法兩國乃合軍陷廣東更北上入白河逼天津

清自聖祖時以外征爲事高宗時兵事尤多以故國庫匱乏賦歛漸重仁宗之世叛民時擾山東河南甘肅湖南貴州四川之地然未爲大患宣宗時阿片之戰後清廷威勢漸衰亂黨乘機四起日本曆二千五百九年道光三十年有洪秀全者附會耶穌教自稱耶穌次弟與楊秀清石達開等起亂廣西國號太平天國苦官吏暴虐者並起應之時文宗新立

叛徒乃出湖南拔長沙陷岳州取武昌遂沿流東下據南京爲僞都清廷遣諸將征之而入旗綠旗之兵皆老朽多敗賊軍殆全定江南之地乃更向江北文宗詔天下募勤王兵羅澤南曾國藩應之先克復湖南尋曾國荃李鴻章左宗棠等亦起兵所在破賊然當時賊勢猶熾

當清廷苦內亂之時而英法之軍逼天津於是清廷於天津暫立草約退兩國兵其翌年批准交換之際清廷以砲擊英法使臣故兩國兵復

逼白河清將僧格林沁防之大敗大沽天津北京皆陷文宗幸熱河

直隸

承德使皇弟恭親王與一國議和時俄國公使衣固那邱甫在北京幹

旋於英國公使額爾金與法國公使古祿士之間遂左約和成實日本

曆二千五百二十年

咸豐十年也

一償英國金千二百萬兩償法國金六百萬兩

二許英法兩國遣公使及領事駐支那。

三許耶蘇教徒得自便布教。

四南京條約所指五口之外，更開牛莊、登州、潮州、臺灣、瓊州、九江、漢口、
爲商埠。

俄羅斯之侵略東方也。因尼布楚條約遭一大挫。其後清廷定外蒙古

及天山北路與西伯利亞之交涉日繁。故俄屢遣使請訂通商條約。日

本曆二千三百八十八年。

雍正六年

世宗許之。新訂恰克圖條約。以恰克圖

色楞河

爲兩國互市地。許俄人來北京營商務。又得建公使館及教

堂。然俄人以但通商爲不足。頻欲伺機略東方。及尼古刺士卽位。舉模

喇維育爲西伯利亞東部總督。專使經略東方。當時清之屯田兵全廢。

故俄人漸得下黑龍江。佔其河口。建尼古刺斯克。爲根據地。日本曆二

千五百十五年咸豐五年迫清廷欲新定疆界時清廷方苦於長髮賊之亂

不能拒日本曆二千五百十八年咸豐八年遣黑龍江將軍奕山與模喇維

育會於愛琿黑龍江沿江之黑龍江城以黑龍江定兩國界其烏蘇里江東岸地為

兩國所共有且許俄人得通航於松花江烏蘇里江及俄國公使衣固

那邱甫之為清廷斡旋和議也更迫清廷以烏蘇里江東岸地屬俄建

海參崴俄又於日本曆二千四百五十年前後謀侵薩哈連太島因與

日本紛爭不絕日本曆二千五百三十五年光緒元年遂以與千島交換為

名佔據全島於是日本海沿岸之北方亞細亞一帶悉歸俄國俄國乃

分為西西伯利亞東西伯利亞及阿穆爾即黑龍江三部更析為九州州置

知事部置總督以統轄之

第四篇 中央亞細亞形勢

第一章 回教徒叛亂

清廷自北京訂約後，與外人交涉既終，乃專力制內亂。然其時長髮賊尙踞浙江、江蘇、江西之大半，勢頗猖獗。及穆宗立，聘美人華爾特、英人戈登等，以支那人及外國人編習洋槍隊，使征賊徒。賊勢頓衰。日本曆二千五百二十四年，同治三年克南京，賊酋洪秀全自盡。前後十五年，長髮賊始平定。而是時天山南路有回教徒之亂起。

曩高宗平定天山南路也。布羅尼特子孫多逃於浩罕。浩罕故屬布哈拉汗。日本曆二千三百六十七年之頃，布哈拉汗大衰，察合臺遠孫希耶兒克者乘之獨立，爲浩罕汗。其孫額爾德尼時喀什噶爾之和卓多有避清軍而徙浩罕者。高宗歲出金與額爾德尼，使拊制和卓。及額爾德尼從曾孫馬大利汗立，好用兵，且謂清廷虐待回教徒。日本曆二千

四百八十六年

道光六年

助布羅尼特孫張格爾侵天山南路。張格爾亟據喀什噶爾。葉爾羌、英吉沙爾和闐，然尋爲清軍所敗。成擒。凡與亂之回教徒。宣宗命悉徙伊犁。且怒浩罕助和卓，杜其通商。馬大利更助張格爾。兄玉素普以日本曆二千四百九十年。

道光十年

復陷喀什噶爾。葉爾羌。

清廷遂以喀什噶爾、英吉沙爾、葉爾羌、和闐之關稅，畀馬大利以和而令執和卓全族，禁錮於其國內。自是天山南路事得少定。

河西回教徒有東干族，蓋回紇後裔也。以清廷苦於內憂外患，乃於日本曆二千五百二十二年起亂。甘肅阿克蘇、哈喇沙爾、庫車等回教徒並起響應。張格爾子布志爾克乘之，得浩罕汗援，陷喀什噶爾。以柔弱故，士卒不服。部將阿古柏廢之，代領其衆東進。降服東干族。日本曆二千五百三十年。

同治九年

之頃，定都阿克蘇。殆統一天山南路，旋通好於英。

俄認爲獨立國。又遣使至土耳其。仰其援。以拒清軍。

先是清軍之討回教徒也。以內亂後。兵氣沮喪。故無功。及日本曆二千

五百二十八年。同治七年左宗棠爲陝甘總督。先擊破東干族。兵勢大振。日

本曆二千五百三十七年。光緒三年阿古柏死。諸子相爭。清軍乘之。次第四

進。其翌年。回教徒乃全鎮定。

回教徒之擾天山南路也。有阿布都拉者。率伊犁回教徒。釀亂。俄國以

靖其邊境爲名。日本曆二千五百三十一年。同治十年擊破阿布都拉。據其

地。及清軍已定。回教徒請其退去。不允。於是清俄兩國境界之爭以起。

第二章 俄國侵略中央亞細亞

基華汗國 舊屬布哈拉汗。及其獨立之後。二汗國常不和。日本曆

二千三百五十年前後。康熙中基華汗連敗。乃屢遣使於俄求保護。時彼

得一世方君俄。聞阿母河畔。及其上流葉爾羌附近多產金沙。夙抱圖

南之志。至是直應其請。日本曆二千三百七十四年以來。康熙五屢出

十三年

屢出

兵基華。使探偵中央亞細亞。已而基華汗疑俄有陰謀。遂襲之。殲俄人。顧當時俄以侵略波斯。兵事方殷。遂不能征基華。

伊犁西北西爾河東北各地。當日本曆二千年前後。實爲吉利吉思族

窟宅。其後衛拉部及準噶爾部。振勢伊犁。吉利吉思族被逐。乃離故土。

而徙於西爾河下流。以至烏拉爾河之間。日本曆二千三百七十八年。

康熙五十七年

始仰保護於俄。當時吉利吉思族分大中小三部。最西之小吉

利吉思部。先服俄國。尋中吉利吉思部。亦來降俄國。乃次第築俄母斯

克烏拉耳斯克奧凌白耳克等新城堡。以統御邊民。

者利吉思族。本游牧之民。故時或南徙基華浩罕境內。以是俄與一國。

屢因邊境致釁。且俄商亦時遭彼等掠奪。日本曆二千五百六年。道光二十六年俄遂於阿拉海沿岸築拉耳斯克城堡。哥里米戰後益專意中央亞細亞。漸沿西爾河以侵浩罕汗國。時浩罕汗方與布哈拉汗爭。遂不能專力防俄。

日本曆二千四百八十七年。道光七年那司爾臘爲布哈拉汗仿歐洲法改

練軍隊。自負勢凌四鄰。屢與阿富汗之德司脫謨哈美德戰。日本曆二千五百年以來。又侵入浩罕。奪其地。而基華汗復乘虛襲布哈拉。故浩罕復脫那司爾臘羈絆。仍獨立。惟霍闡以外地。則概歸布哈拉汗。

方三汗國相爭之間。俄人日進。侵略奪土耳其斯丹。取賽姆刊得。日本曆二千五百二十五年。同治四年陷塔什刊得。浩罕汗乃乞援於布哈拉汗。

時那司爾臘子姆煞法爲布哈拉汗懼俄侵略。與浩罕汗合兵擊俄。而

大敗。俄將高福滿頻進兵。取霍闡。陷撒馬兒罕。遂圍布哈拉。姆煞法請阿富汗援。求英國之同盟。皆不成。且內亂將起。於是日本曆二千五百

二十八年。

同治七年

以左約乞和於俄。

一嗣後布哈拉汗國當爲保護國。

二布哈拉汗當償金五十萬盧布。且撒馬兒罕以下。凡俄軍所奪土地。

悉讓俄。

俄旣征服布哈拉汗國。乃漸窺基華。基華自日本曆二千五百十五年。

咸豐五年爲波斯所敗。且國中有承位之爭。勢不振。俄將高福滿乘之。以基

華汗掠奪俄商爲名。日本曆二千五百三十三年。

同治十二年

由三道進兵

破之。令以左約乞和。

一基華汗當隸俄國皇帝。非其允許。不得與他國交通。及和戰。

二阿拉海與裏海之間及阿母河北之地當悉讓俄且償金二百二十萬盧布

曩布哈拉汗之敗也浩罕汗臣服於俄願以國民不悅屢殺俄人日本

歷二千五百二十六年光緒二年俄將司古拜烈夫遂討滅之以其地歸俄

先是日本歷二千五百年之頃大吉利吉思部亦歸服俄時伊斯庫勒

附近有吉利吉思族一部曰布羅特者爲俄人征服故俄疆域直接伊

犁會回教徒之亂俄軍遂佔伊犁及左宗棠恢復天山南路清廷請俄

退軍議久不決兩國將開戰已而日本歷二千五百四十年光緒六年乃互

相讓訂約如左

一霍爾果斯河在曲城之西伊犁河之匯濼流以東地交還清國其以外之地定爲俄

境

二由清國別給償金九百萬盧布。

俄已併基華布哈拉浩罕三汗國。又與清國息勘界之爭。至是乃銳意南侵。以美爾布曾隸基華屬土爲口實。將併略之。於是英俄之齟齬起。

第三章 英俄兩國之齟齬

日本曆二千四百五年。乾隆十年那的死後。波斯內亂相繼。以是裏海南岸

之土耳其族日卡的兒部者。勢力增進。日本曆二千四百五十四年。乾隆

五十九年。其部長亞軋謨哈美德。遂統一波斯。是爲今波斯王家之始祖。波

斯屬地的亞的亞之居民。本耶蘇教徒。故常欲與回教徒分離。乘波斯

內亂。以日本曆二千四百四十三年。乾隆四十八年附於俄。及亞軋謨哈美德

統一波斯。復征服之。自是波斯與俄生釁。

日本曆二千四百六十年之頃。拿破崙一世。方握法國法政權。與英有

隙故欲侵印度以挫其勢力利俄國之有事於波斯也於是法與俄合

兵將自波斯侵印度英國大驚日本曆二千四百六十八年嘉慶十三年遣

馬古姆等至波斯前後數年乃得訂攻守同盟波斯因與英同盟故愈

抗俄戰端遂啟英憚俄勢不任後援波斯連敗日本曆二千四百八十

八年道光八年乃以裏海西岸亞喇庫式士河北地及償金二千萬盧布與

俄以和自是以後波斯全爲俄之同盟國

英見俄勢增進於波斯也日本曆二千四百九十二年道光十二年以來頻

遣彭司等至布哈拉基華浩罕三汗國圖約同盟彼等懷年來深怨不

遽從英人勸未幾英人又敗於阿富汗威勢頓挫於是英人之策全敗

日本曆二千四百三十六年乾隆四十二年亞摩多死故阿富汗之勢無復昔

日國中爭位之禍屢起會日本曆二千四百八十六年道光六年德司脫謨

哈美德起於可不里遂統一阿富汗亞摩多立孫希耶速的逃於印度仰英保護故德司脫謨哈美德與英國不快且德司脫謨哈美德以伐西克教徒奪配下滑耳爲志又爲英所拒故益惡英俄乘此機以日本歷二千四百九十一年道光十七年遣使詣可不里求修好德司脫謨哈美

德許之竊修戰備於是印度總督奧克蘭德出兵阿富汗取乾陀羅哥疾甯遂陷可不里立速的爲阿富汗王時日本歷二千四百九十九年

道光十九年

也然阿富汗人厭速的並起作亂以絕英軍歸路英軍敗德司

脫謨哈美德乃得恢復其勢屢嗾喇諦菩特種族擾西印度至日本歷

二千五百九年

道光二十九年

始與英和然英之威勢遂不能振於阿富汗及

中央亞細亞

方英有事於阿富汗之間俄人滅布哈拉次第南下英國盡力防之日

本曆一千五百二十九年

同治八年

印度總督美約復與阿富汗王舍爾噠

里訂同盟舍爾噠里者德司脫謨哈美德子也其後舍爾噠里與其子

耶克普爭英國陰援耶克普兩國之交遂疎俄將高福滿遣使至可不

里日本曆一千五百三十八年

光緒四年

遂訂攻守同盟於是舍爾噠里頻

修戰備絕英使者印度總督利東遂宣戰連破阿富汗兵陷諦哀拉巴

特及乾陀羅舍爾噠里請援於俄俄憚英不應舍爾噠里乃逃於中央

亞細亞未幾死耶克普爲阿富汗王遂與英和略割其東境之地以讓

英且約自是以後阿富汗王無英國承認不得與他國宣戰議和時日

本曆一千五百三十九年

光緒五年

也後耶克普背約殺英人英人廢之推

立其從兄阿部支喇曼使遵前約且別納稅幣十二萬磅

是時俄已降基華取美爾布更進侵阿富汗西北境逼海臘特英乃助

阿富汗抗之。日本歷二千五百四十四年。光緒十年英俄兩國簡派使臣議

疆界。久不協。將尋干戈。至日本歷二千五百四十七年。光緒十三年英國退

讓。和局乃成。

當德司脫謨哈美德時。阿母河上流地。已歸阿富汗。其後乃隱具獨立

勢。日本曆二千五百三十三年。同治十年英說俄使定為阿富汗屬土。然

以帕米爾之界。未能確定。故海臘特之爭方終。帕米爾之爭又起。至日

本曆二千五百五十五年。光緒二十一年議始諧。

曩西克教徒之振勢。北印度也。的克什米爾。東向襲西藏。掠拉達克之

地。故彼此以互攻為事。會日本歷二千五百四十八年。光緒十四年兩國邊

民。又生齟齬。於是英新與清國議境界。以拉達克歸英。事乃定。時日本

歷二千五百五十年。光緒十六年也。

第六篇 太平洋沿岸形勢

第一章 後印度諸國形勢及法國之侵略

自日本歷二千二百六十年之頃。西班牙法蘭西之耶穌教徒。多來安南布教。及廣南亡時。阮潢九世孫福映。以法國教士保護。奔暹羅得國。王法亞查克利。援還廣南。與阮文惠爭。法國教士等。說阮福映。使乞援於法。約事成。則割化南島。且許通商自便。福映聽之。至日本歷二千四百六十二年。嘉慶三年。滅阮文惠子孫。統一安南。立國號曰越南。

暹羅王法亞查克利。有大志。欲乘安南騷擾。而併真臘。時真臘國王。方與弟爭。暹羅王助其弟。而略其北邊。真臘王乃求助於越南。越南王許之。頻年與暹羅爭。然多敗亡。日本歷二千五百一年。道光二十一年。真臘遂爲

暹羅之朝貢國

越南已敗於暹羅。又於法國起覺。法國曩助越南王。以統一安南。及其功成。越南王背前約。且屢虐待法教士。故日本曆二千五百七年以來。

道光二十七年兩國常相齟齬。迨哥里米戰事終。歐洲形勢一變。爲平和之局。

法乃決計侵東方。日本曆二千五百十八年。咸豐八年奪西貢。會東京有叛

者。恐得法援。於是日本曆二千五百二十二年。同治元年越南王阮弘智遂

割南部交趾支那之地。且出償金二千萬法。卽克以和。弘智福映孫也。

法之根據地西貢。直接真臘。真臘曩服暹羅。常恐其吞併。且以內亂相

踵。憂玉位之不固。及法據西貢。遂請其保護。時日本曆二千五百二

十三年。同治二年也。

越南既與法和。但其君民惡法人。時殺害之。日本曆二千五百三十四

年。同治十年法責越南王。以公布耶蘇教及紅河通航二事。逼使承允。未

幾法更以保商爲名，擅於河內海防諸府，派兵駐守，且求開採紅河上流之鑛山。

曩長髮賊之敗也，賊將劉永福率部下屯安南境，號黑旗兵。至是越南王憤法人橫恣，命劉永福擊退法兵。於是法越之戰事起。法之海陸軍協力陷南定、河南、劉永福善戰，屢克復之。而法軍已轉陷國都順化府。日本曆二千五百四十三年，光緒九年越南王遂乞和訂約如左。

一以東京地方讓法。

二嗣後爲法之保護，國無法國許可，不得與他國交通。

越南王舊受清廷冊封，故此次和約，清國有異議。會諒山紅河之上流地方

有清法兵相鬪，法兵死傷甚多。法要求償金千二百萬，法即克。清國拒之。兩國之和遂破。清將馮子材助黑旗兵，欲奪東京地方。法將孤拔率

海軍於福州附近殲福建艦隊。且佔澎湖島。封臺灣諸港。會孤拔罹疾。死法之輿論。亦厭遠征。於是日本曆一千五百四十五年。光緒十一年兩國和議成。法允不索償金。而清於越國。失其主權。承認法據東京之舉。

法既以交趾支那東京爲屬地。以真臘越南爲保護國。又欲侵吞暹羅。以湄公河東地。曾屬真臘。及越南爲口實。乃脅暹羅將以湄公河爲法國屬地。及暹羅之天然境界。暹羅百方抗之。將以干戈相見。然料勢難敵。乃與法以所要求之地。又償金五百萬。和乃成。事在日本曆一千五百五十二年。光緒十年

百五十二年。光緒十年

九年

英國曩併緬甸。扼湄公河之上流。以專有雲南之交涉權爲志。及法得湄公河左岸地。恐利益爲所侵。乃抗之。由兩簡勘界使臣。於湄公河之上流。選定一中立地。約五十英里以上云。

第二章 朝鮮之情狀及清日之爭

琉球故分三部。北部山北王治之。南部山南王統之。而中山王界立其

間。勢猶強。日本曆一千六十五年。

明太宗永樂三年

遂一統琉球。中山王以日

本曆一千三十二年。

明太祖洪武五年

始受明冊封。世朝貢支那。同時又臣服

日本爲附庸。後以修貢中絕。故日本曆一千二百六十九年。

明神宗萬曆二十七年

年。島津家久征之。其王尙甯降。自是復永爲日本屬邦。琉球漁人漂至

臺灣者。屢爲生蕃所殺。於是日本曆一千五百二十四年。

同治十三年日本

乃遣西鄉從道征之。

曩清國降鄭氏。佔臺灣以來。漢人徙居其西部者頗多。其東半部則爲

土民窟宅。有熟番生番之別。熟番者謂漸歸化清廷。生番者則全化外

之荒民也。琉球人之遇殺也。日本詰問清廷。清廷公言生番非其屬民。

及日本軍已征服生番。俄申異議。請撤兵。日本命大久保利通往天津。

議其事。以英國公使威妥瑪調停。由清廷出償金五十萬兩。日本乃允

撤兵。時日本曆一千五百三十四年。同治十年也。自日本征臺灣後。確定

琉球爲日本版圖。至日本曆一千五百三十七年。光緒三年遂廢琉球主。建

冲繩縣。清廷又抗之。是以兩國交誼愈疎。遂有朝鮮之役。

朝鮮自仁祖時歸服於清。世受封冊。日本曆一千四百五十一年。乾隆五十年

六年。以來支那地方耶蘇教徒陸續入朝鮮布教。中以法教士爲猶衆。

其教日漸流行。日本曆一千五百二十三年。同治二年仁祖九世孫李熙爲

朝鮮王。年幼。其生父大院君李晁應執國政。下令嚴禁西教。虐待耶蘇

教徒。於是日本曆一千五百二十六年。同治五年法國問其罪。遣軍艦七艘

佔江華島。無功而還。爾後歐洲方有德法之戰。不復顧朝鮮。大院君益

嚴禁西教未幾復與美國構釁

美國自日本曆二千四百四十六年

乾隆五十年

派領事駐支那獎勵東亞

貿易馬煞其塞支地方之人參及棉花輸入支那最夥以與廣東之茶

交易因支那貿易之盛大乃知與日本朝鮮通商自在必然之勢日本

曆二千五百十四年

咸豐四年

迫日本訂通商條約尋促朝鮮開國會美國

商船駛至大同江附近朝鮮人見之誤認法船大肆劫掠美政府乘此

機派軍艦五艘問罪溯漢江迫其開國然無功而退時日本曆一千五

百二十年

同治九年

日本自德川家康繼豐臣秀吉握霸權以來其與朝鮮之交涉漸復舊

勢及德川氏斃王政復古日本勸朝鮮訂隣交願是時大院君方擊退

法美兩國兵意氣殊盛乃固執鎖國主義不應且日本雲揚艦在江華

島受砲擊日本乃使黑田清隆問其罪先是法美兩國之與朝鮮構難也清廷確答朝鮮爲獨立其外交非清廷宜預至是朝鮮謝罪乃與日本訂約二款時日本曆二千五百三十六年光緒二十二年也

一朝鮮爲獨立國今後與日本當用平等之交際

二釜山外當更開元山仁川二港與日本訂約通商

日本曆二千五百四十二年光緒八年美國新與朝鮮訂約其翌年英及德

又翌年俄羅斯日本曆二千五百四十六年光緒十二年法蘭西均襲日本

前轍於是朝鮮純爲獨立國矣

及朝鮮王年長親政國家大權悉歸其王后閔氏一族大院君威勢頓

失頗不平日本曆二千五百四十二年光緒八年喉亂民擊閔族併燒日本

公使館欲實行鎖國主義日本命井上馨問其罪遂使出償金五十五

萬圓且約於京城之日本公使館置守兵於是清國亦派兵至朝鮮以保清日之權衡。

朝鮮朝臣之間分事大獨立二黨互排擊事大黨者專賴清朝欲仍爲

其外藩閔泳翊閔泳駿等爲之長獨立黨者欲賴日本而脫清廷羈絆

全獨立之體制朴泳孝金玉均等其長也及清日兩國兵駐京城兩黨

軋轢益甚日本曆一千五百四十四年光緒十年獨立黨急發砲擊事大黨

擁國王請日本公使援清兵則助事大黨破獨立黨併燒日本使館日

本復命井上馨至朝鮮使納償金十二萬圓又命伊藤博文至清國詰

其駐朝鮮公使之暴行與清全權大臣李鴻章會於天津訂約如左時

日本曆一千五百四十五年光緒十一年也。

一兩國駐朝鮮之兵均撤去。

二爾後設遇事故必須遣兵至朝鮮兩國互相通知。

天津條約確定朝鮮爲獨立國。清日兩國之與朝鮮權利相等。然其實獨立黨多去國。而事大黨握政權。故清國之於朝鮮。威勢倍於昔。其公使袁世凱聲望傾朝鮮內外。故與主張朝鮮獨立之日本。遂不免旦暮決裂矣。

日本曆二千五百五十四年。光緒二十年朝鮮東學黨之亂起。東學黨者。義

主保守。欲排西教。而興東學。諸有怨於政府者。附和之。勢猖獗不可制。於是日本派兵保護。寓居朝鮮之日本人。且勸清國。欲兩國協力。釐革朝鮮內政。以塞亂源。是時清國亦派兵朝鮮。拒日本之勸。主張朝鮮爲外藩。要日本撤兵。日本憤清背天津條約。遂宣戰。擊破清兵於牙山。

忠清道平壤。清兵出朝鮮境。日本第一軍渡鴨綠江。侵盛京省。是時艦隊

亦破清國艦隊於黃海。佔海權。第二軍直至遼東半島。登陸。陷旅順口。
一則應援第一軍。陷牛莊。一則渡山東省。陷威海衛。扼渤海灣口。至是
清國遂議和。派李鴻章與伊藤博文會於馬關。訂約。實日本曆二千五
百五十五年。光緒二十一年也。

一清國認朝鮮爲獨立國。

二償金二億兩。讓遼東半島及臺灣澎湖島。

三開沙市。重慶。蘇州。杭州爲商埠。

俄羅斯自哥里米一戰以後。不得志於歐洲。尋南下中央亞細亞。亦爲
英國所阻。乃專用力侵畧東亞。日本曆一千五百三十一年。同治十年以海

參威爲太平洋之根據地。日本曆一千五百四十六年。光緒十二年以來。議

築西伯利亞鐵道。日本曆一千五百五十一年。光緒十七年愈實行之。故不

悅日本佔遼東半島合德意志法蘭西出調處約其地永遠不得佔據

於是日本別受償金二千萬兩而以遼東半島還清實日本曆二千五

百五十五年

光緒二十一年

也

東洋史要卷四終